



Broj: 05 – 1 –297/06

Datum: 27.09.2006. godine

Komisija za papire od vrijednosti Brčko distrikta BiH, rješavajući po zahtjevu emitenta: "BIMAL" dioničko društvo za proizvodnju ulja Brčko na osnovu člana 18. i člana 65. Zakona o papirima od vrijednosti ("Službeni glasnik Brčko distrikta BiH", broj: 15/03, 27/04 i 42/04) u skladu sa odredbama Pravilnika o uvjetima i postupku emisije papira od vrijednosti ("Službeni glasnik Brčko distrikta BiH", broj: 20/04) i odredbama Uputstva o uslovima emisije papira od vrijednosti uz skraćeni prospekt broj:05-02-4-222/2006, na svojoj 12. (dvanaestoj) sjednici održanoj dana 27.09.2006. godine, **donijela je:**

## Rješenje

o odobrenju emisije dionica zatvorenim ponudom emitenta «BIMAL» d.d. Brčko

1. Odobrava se V (peta) emisija dionica zatvorenim ponudom ulozima u stvarima emitentu Dioničko društvo za proizvodnju ulja «BIMAL» Brčko po osnovu zahtjeva za odobrenje emisije zatvorenim ponudom na osnovu odluke o povećanju osnovnog kapitala emitovanjem novih dionica zatvorenim ponudom ulozima u stvarima broj: 5/06 od 30.05.2006.godine i potvrđuje da je emitent postupio u skladu sa odredbama zakona, pravilnika i uputstva i da skraćeni prospekt sadrži sve elemente utvrđene zakonom, pravilnikom i uputstvom.
2. Dioničko društvo za proizvodnju ulja «BIMAL» Brčko emituje novih 196.150 običnih dionica, nominalne vrijednosti 10,00 KM po jednoj dionici petom emisijom dionica zatvorenim ponudom ulozima u stvarima.
3. Skraćeni prospekt pete emisije dionica zatvorenim ponudom ulozima u stvarima emitenta Dioničko društvo za proizvodnju ulja «BIMAL» Brčko sadrži sve elemente utvrđene zakonom i uputstvom Komisije.
4. Ovo rješenje je konačano.

## Obrazloženje

Po osnovu prijave za upis emitenta „Bimal“ d.d. Brčko broj:430/06 od 30.06.2006.godine i dostavljene dokumentacije: odluke broj:5/06 od 30.05.2006.godine; zapisnika sa skupštine dioničara „Bimal“ d.d. Brčko od 30.05.2006.godine; izvještaja ovlaštenog revizora („Revizija AdRa“ d.o.o. Brčko) i procjene trenutne tržišne vrijednosti stvari (Stalni sudski vještak maš.struke:Saša Petrović, dipl.ing.mašinstva) Komisija za papire od vrijednosti Brčko distrikta BiH je donijela Zaključak o otklanjanju nedostataka i nepravilnosti broj: 05 -1- 220/06 od 07.07.2006.godine. Nakon djelomičnog otklanjanja nedostataka emitent je dostavio dopis broj:550/06 od 09.08.2006.godine i dokumenatciju: prospekt hartije od vrijednosti „Bimal“ d.d.; potvrdu o aktivnosti transakcijskog računa kod Raiffeisen bank d.d. BiH; bilans stanja i bilans uspjeha za godine:2003., 2004., 2005.; finansijski izvještaj i nezavisno revizorsko mišljenje za godine koje su završile

31.decembra 2003. i 2002.; finansijski izvještaj i nezavisno revizorsko mišljenje za godine koje su završile 31.decembra 2004. i 2003.; finansijski izvještaj i nezavisno revizorsko mišljenje za godinu koja je završila 31.12.2005. Nakon usmeno izjavljenog zatjeva Komisije emitent je dostavio dopis Komisiji dana 16.08.2006.godine i dokumentaciju: popunjene obrasce-zahtjeve ZEHOV-ZP za emisiju dionica u stvarima; rješenje o registraciji unaprijed poznatog kupca emisije dionica i izjavu kupca. Dakle, emitent je pokrenuo postupak za dobijanje odobrenja nove emisije dionica ulozima u stvarima.

Uvidom u dostavljeni zahtjev od 16.08.2006.godine i dokumentaciju utvrđeno je da emitent nije dostavio sva potrebna dokumenta i isprave (nedostaje ugovor sa bankom-depozitarom, a nedostaje i dokaz o uplati propisane naknade Komisiji). Isto tako dostavljena dokumentacija i isprave imaju određenih nedostataka u pogledu sadržaja odluke i prospekta. Nakon izvršenog uvida i utvrđenih nedostataka emitentu je dostavljen pismeni zatjev za otklanjanjem nedostataka broj:05-1-271/06 od 17.08.2006.godine.

Temeljem navedenog pismenog zahtjeva emitent je otklonio nedostatke i nepravilnosti i uz dopis broj: 646/06 od 15.09.2006.godine i dopis broj: 674/06 od 26.09.2006.godine dostavio Komisiji uređenu i potpunu dokumentaciju.

U skladu sa članom 18. i 65. Zakona o papirima od vrijednosti i odredaba Uputstva o uslovima emisije papira od vrijednosti uz skraćeni prospekt broj:05-02-4-222/2006 zauzet je stav kako je navedeno u dispozitivu rješenja i utvrđeno je da skraćeni prospekt sadrži sve elemente određene zakonom i uputstvom Komisije.

Iz dostavljenih akata, dokumenata i isprava Komisija je utvrdila da je emitent postupio u skladu s članovima 9.,10., 11., 12., 13. i 14. Zakona o papirima od vrijednosti i odredbama Uputstva o uslovima emisije papira od vrijednosti uz skraćeni prospekt broj:05-02-4-222/2006, čime su se stekli uslovi da Komisija odobri emisiju novih dionica emitenta, kako je navedeno u dispozitivu rješenja.

Petom emisijom dionica zatvorenom ponudom ulozima u stvarima Dioničko društvo za proizvodnju ulja «BIMAL» Brčko emituje novih 196.150 običnih dionica, nominalne vrijednosti 10,00 KM po jednoj dionici.

Tačka 4. dispozitiva rješenja zasniva se na članu 60. Zakona o papirima od vrijednosti, po kome su upravni akti Komisije konačni.

*Pouka o pravnom lijeku:*

Protiv ovog rješenja nije dozvoljena žalba ali se može podnijeti tužba Osnovnom sudu Brčko distrikta BiH za pokretanje upravnog spora u roku od 30 dana od dana dostavljanja rješenja.

Predsjednik  
Komisije za papire od vrijednosti

Mirsad Bešlagić, dipl.ecc

Dostavljeno:

1. "BIMAL" d.d. Brčko,
2. Evidenciji,
3. Arhivi.